

divinæ Majestatis tuæ, ut quotquot ex hac Altaris participatione sacrosanctum Filii tui Corpus (t) & Sanguinem sumserimus, omni benedictione cœlesti & gratia repleamur. Per Christum Dominum nostrum.

Memento etiam, Domine, famulorum famularumque tuarum (*illarum & illarum (u)*) qui nos præcesserunt cum signa Fidei, & dormiunt in somno pacis. Ipsi, & omnibus in Christo quiescentibus locum refrigerii, lucis, & pacis, ut indulgeas, deprecamur. Per Christum (x) Filium tuum Dominum nostrum (y).

Nobis quoque peccatoribus famulis tuis, de multitudine miserationum tuarum sperantibus, partem aliquam & societatem donare digneris cum tuis sanctis Apostolis & Martyribus, cum Johanne, Stephano, Matthia, Barnaba, Ignatio, Alexandro, Marcellino, Petro, Felicitate, Perpetua, Agatha, Lucia, Agnete, Cæcilia, Anastasia, & cum omnibus Sanctis tuis. Intra quorum nos consortium, non æstimator meriti, sed veniæ, quæsumus, largitor admitte. Per Christum Dominum nostrum, Pe quem hæc omnia, Domine, semper bona creas, sanctificas (z), vivificas, benedicis, & præstas nobis. Per ipsum, & cum ipso, & in ipso est tibi Deo Pater omnipotenti in unitate Spiritus San-

cti omnis honor & gloria, Per omnia sæcula sæculorum:

Amen.

Oremus:

Præceptis salutaribus moniti, & divina institutione formati audemus dicere: Pater noster, qui es in Cœlis, sanctificetur Nomen tuum, adveniat Regnum tuum, fiat voluntas tua sicut in Cœlo, & in Terra. Panem nostrum quotidianum da nobis hodie, & dimitte nobis debita nostra, sicut & nos dimittimus debitoribus nostris, & ne nos inducas in tentationem, sed libera nos a malo (a).

Libera nos, quæsumus, Domine, ab omnibus malis præteritis, præsentibus & futuris, intercedente beata & gloriosa semper Virgine, Dei genitrice Maria, & beatis Apostolis tuis Petro, & Paulo, (b) atque Andrea, da propitius pacem in diebus nostris, ut ope misericordiæ tuæ adjuti, & a peccato simus semper liberi, & ab omni perturbatione securi. Per Dominum nostrum Jesum Christum Filium tuum, qui tecum vivit & regnat Deus in unitate Spiritus Sancti, per omnia sæcula sæculorum. Amen.

Pax Domini sit semper vobiscum.

Respondetur:

Et cum spiritu tuo.

(c) Agnus Dei, qui tollis peccata Mundi, miserere nobis.

(t) Corpus ☩ & Sanguinem

(u) In margine leguntur hæc nomina: Elifard Episcopus. Hodolricus Decanus. Fulcherius Decanus. Hestertius. Warino. Atroltus. Eidoila. Duda. Frotmundus Decanus &c.

(x) Per Christum Dominum nostrum.

(y) Recentior manus addidit in margine Codicis Orbeboniani: Memento mei, quæso, Domine, miserere, & hæc sacrificia indignis manibus meis tibi offeruntur, qui nec invocare dignus sum nomen sanctum tuum, quæso jam, quia in honore gloriosi Filii tui Domini Dei nostri tibi offeruntur, sicut incensum in conspectu divinæ Majestatis

tua... odore suavitaris... accendantur, neque emanatum a delictis omnibus tibi Deo soli immaculatum concede famulari. Per Christum Dominum nostrum.

(z) sanctificas ☩, vivificas ☩, benedicis ☩, & præstas nobis.

(a) a malo. Amen.

(b) atque Andrea. Heic aliquod nomen extabat, aliquis manu abrasum. Protinus sequuntur hæc alia: nec non & beato Dionysio Martyre tuo atque Pontifice, cum sociis suis Rustico & Eleutherio; & beato Chlodoaldo Confessore tuo, & omnibus Sanctis, da propitius pacem &c.

(c) Hæc desunt in Codice Orbeboniano.